

edificiis apta, ac deinde in minori Basilea multis inservit officinis. Nam ferrantur ejus officio mola versatili arbores in asseres, commolitur Frumentum, acuuntur fabrilia Instrumenta, ducuntur in Bracteas ferreae Massae, multisque aliis conducit usibus, praeter id quod habet nobiles Pisces, praesertim Trutas. Et quamquam minor est opposito fluvio Byrsa, est tamen eo piscosior; pluribusque inservit officinis, etiamsi Byrsa non modica quoque exhibeat ministeria Molitoribus, & Chartariis, qui aliquot insignes habent officinas juxta hunc fluvium aut potius juxta rivulum ab eo segregatum & ad Mœnia usque majoris Basileae facto alveo deductum. Sunt & hic *Toldernus*, *Largus*, aliique fluvii. Sed de his satis. Restat ut de administratione Reipublicae harum Provinciarum, paucula subjiciamus. Ex Tribubus omnes qui publicis conciliis interfunt, pari numero è singulis deliguntur, tam Tiguri quam Basileae. Sunt autem praecipuae autoritatis duo publica Consilia in hisce Urbibus: Majus quando plures nomine totius plebis conveniunt, & id plerumque tantum in gravioribus negotiis & quae ad totam Rempublicam pertinent convocatur: Minus quod quotidie Rempublicam administrat, & Civium controversias cognoscit. Ac Tiguri majus consilium est cc hominum, Basileae ccxlii. Minus consilium Tiguri L hominibus constat, Basileae Lxii. Etenim è singulis Tribubus duodeni in majus consilium assumuntur, nisi quod Tiguri è Nobilium societate xix deliguntur. In minus consilium Tiguri singulae Tribus dant ternos homines, quaternos Basileae: his accedunt duo Consules in singulis Urbibus publici Concilii Capita; Basileae praeterea totidem Tribuni, quos una cum Consulibus Capita nominant: praeterea Tiguri Nobilium societas senos in Minus consilium mittit, cum aliae Tribus tantum ternos dent, & adhuc sex alii liberis suffragiis cooprantur, ex quibuscumque Tribubus magistratui vitum fuerit. Minus Consilium dividitur in vetus & novum; veterem Senatum eos nominant, qui per medium annum munere suo defuncti sunt: hi etsi quoque convocantur cum Senatus habetur, non tamen semper vocantur, & sunt quaedam quae novus Senatus tantum transigit. Basileae etiam Majus Consilium simili modo dividitur, arque è duodecim Viris Tribuum sex novo & totidem veteri Senatui accensentur. Convenit autem Minus Consilium plerumque ter, nonnumquam etiam quater singulis septimanis. Vtrique Senatui praest Consul, quem *Burgermeister*, hoc est Civium Magistrum vernaculè nominare solent, hunc Majus Consilium eligit. Consulibus potestate proximi sunt Tribuni, hos Tigurini *Oberstermeister*, Basilienses *Zunffmeister* vocant; horum tres sunt Tiguri, duo tantum Basileae, qui una cum duobus Consulibus quatuor Urbis Capita nominantur. Sed haec insufficient. Plura qui petet, Iosiam Simlerum adeat copiose ac docte de his differetem, ex quo haec desumpsimus.

Ratio gubernandi.